



ALI Hamsa menyampaikan sumbangan kepada wakil Hospital Labuan sambil diperhatikan Rohani (dua kiri).



AHLI-ahli Pusanita Labuan bergambar kenangan bersama Rohani selaku Yang Dipertua Pusanita Malaysia.

Galak lebih ramai jadi sukarelawan

► Ketua Setiausaha Negara hadiri program Ziarah Kebajikan Pusanita

LABUAN: Ketua Setiausaha Negara (KSN), Tan Sri Dr Ali Hamsa telah menghadiri program Ziarah Kebajikan Persatuan Suri dan Anggota Wanita Perkhidmatan Awam Malaysia (Pusanita) Malaysia di Universiti Malaysia Sabah Kampus Antarabangsa Labuan (UMSKAL), Kelmari.

Acara program dimulakan dengan lawatan Dr Ali dan isteri Puan Sri Datuk Rohani Abdullah yang juga Yang Dipertua Pusanita Malaysia ke Pusat Autisme Labuan yang terletak di UMS Labuan.

Ketibaan beliau disambut Naib Canselor UMS Prof Datuk Dr Mohd Harun Abdullah, Pengarah UMSKAL Prof Madya Dr Murnizam Haji Halik dan Pengerusi Pusat Autisme Labuan Shafry Mohd Sharif.

Beliau diberi taklimat mengenai pusat berkenaan

oleh Shafry serta menyampaikan sumbangan kepada kanak-kanak autisme.

Selepas lawatan di pusat berkenaan, Tan Sri Dr Ali bersama isteri kemudiannya menghadiri program Ziarah Kebajikan Pusanita ke Wilayah Persekutuan Labuan di Dewan Utama UMS Labuan.

Kehadiran Ketua Setiausaha Negara dan isteri disambut tarian kebudayaan oleh ahli Kelab Taming Sari UMSKAL yang dibimbing Mas Adi Alimin serta nyanyian koir kanak-kanak autisme yang bertajuk 'Mama'.

Pada majlis itu, beliau menyampaikan sumbangan keseluruhannya berjumlah RM92,000 yang masing-masing diterima Pusat Autisme Labuan sebanyak RM41,000, Hospital Labuan RM45,000, Pusat Dalam



ALI Hamsa menyampaikan sumbangan kepada Pusat Autisme Labuan yang diterima Shafry sambil diperhatikan tetamu kehormat.

Komuniti Labuan RM3,000, PDK Mutiara RM2,000 dan Pusanita Labuan RM2,000.

Dr Aliturut mengemukakan sumbangan sebuah van dan akan mengkaji mengenai penyediaan biasiswa dan latihan khas kepada guru-guru di pusat berkenaan.

Beliau merakamkan ucapan penghargaan kepada UMS kerana menyediakan rumah dan bantuan

sukarelawan dalam kalangan pelajar universiti berkenaan untuk membantu Pusat Autisme Labuan.

"Saya berharap lebih ramai pelajar akan membabitkan diri dalam kegiatan sukarelawan dalam pelbagai bidang. Terima kasih saya ucapkan kepada UMS yang banyak membantu Pusat Autisme Labuan."



ANAK-anak autisme menyampaikan hadiah kepada ibu bapa sempena Hari Ibu sambil disaksikan Ali Hamsa dan Rohani.

"Saya berharap lebih ramai pelajar akan membabitkan diri dalam kegiatan sukarelawan dalam pelbagai bidang. Terima kasih saya ucapkan kepada UMS yang banyak membantu Pusat Autisme Labuan."

TAN SRI DR ALI HAMSA
Ketua Setiausaha Negara

banyak membantu Pusat Autisme Labuan,"katanya. Turut menerima sumbangan Pusanita ialah tiga pesara kerajaan yang sudah uzur yang masing-masing menerima RM600.

Majlis itu diserikan dengan penyampulan hadiah kanak-kanak autisme kepada ibu bapa masing-masing sempena sambutan Hari Ibu 2017 sambil disaksikan Dr Ali dan isteri.

Dr Ali dan isteri turut menyampaikan cenderamata kepada Dr Mohd Harun dan Shafry sebelum meninggalkan majlis kira-kira jam 12 tengah hari.



WAKIL Pusat Dalam Komuniti Labuan menerima sumbangan daripada Ali Hamsa dan Rohani.



ALI Hamsa dan Rohani (kanan) mendengar penerangan mengenai Pusat Autisme Labuan daripada Murnizam (kiri) sambil diperhatikan Mohd Harun (tiga kiri).